

BONERIANO®

Un dori lo bula di
un trono di oro pa
un plas di lodo.

EDITOR:

Bonaire Communication Services N.V.

Djaweps 2 Novèmber 2023 | Preis: \$1.25

Premio Kultural 2023 pa FuHiKuBo



Fundashon Históriko Kultural Boneriano (FuHiKuBo) a haña 'Premio Kultural 2023' otorgá pa Prins Bernhard Cultuur Fonds. Entrega di e premio a tuma lugá na Mangasina di Rei djamars último. Foto ta muestra Bòi Antoin, presidente di FuHiKuBo, ku e premio (obra di artista Hortence Brown) den su man, huntu ku miembronan di Prins Bernhard Cultuur Fonds i Emma Pratt, lider di proyekto na FuHiKuBo.

Premio Kultural 2023 pa FUHIKUBO

KRALENDIJK – Prins Bernhard Cultuur Fond di Karibe a otorgá e premio kultural di e aña aki na Fundsashon Histórik Kultural Boneriano (FuHiKuBo). Djamars

anochi e entrega a tuma lugá na Mangasina di Rei. Liliane de Geus, M.A., M.Sc., miembro di direktiva pa Boneiru a habri e anochi. El a papia di e premio ku ta bai entregá na e okashon

di parti di Prins Bernhard Cultuur Fonds Nederland. Carhelijne Broers, direktor i manehadó di Prins Bernhard Cultuur Fonds di Hulanda tabata na Boneiru spesial pa e okashon.

For di 2003 e premio aki a bira realidat pa islanan den Karibe Hulandes. Tur aña ta skohe un área, esun ku meresé e premio. E aña tabata na turno pa entregá e Premio Kultural na Fundashon Histórik Kultural Boneiru (FUHIKUBO).

Tambe a duna un splikashon kiko FUHIKUBO ta para p'e. Diferente material tin ku nan a graba i warda, loke ta hopi importante.

Boi Antoin a hasi òf ta hasiendo un tremendo trabou, kaminda ya den pasado el a haña rekonosementu pa loke e ta hasi, for di man di Prins Bernhard. Prins Bernhard Cultuur Fonds tambe ta rekonosé e balor di e trabou e trabou aki.

Ku e premio aki ta balará FUHIKUBO pa loke e ta hasiendo. Un trabou úniko, bunita, ku ta reflehá den futuro.

